



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

IV. De monetariis. Ll. Sax. cap. 14. Iorn. cap. 20.

urn:nbn:de:hbz:466:1-15625

ANNO
CHRISTI
918.

120. solidorum numeratione earum eas cognati custodia liberanto, atque cognatis interfecti iustam capitis eius æstimationem pendunto. Illæ vero se id genus sceleris in posterum non perpetraturas esse fideiussores adhibento. Eadem habetor incendiariorum ratio, & eorum omnium qui a iuris seueritate prædones vindicare studuerint. Imo si quis furem liberare contenderit, et si quidem nemini vulnus imprefferit, regi tamen eo nomine 120. solidos numerato.

IV.

Præterea autem statuimus, vt vnus per omnem ditio-
nem nostram atque idem sit nummus, eumque nemo ex-
tra opidum cudito. Atqui si monetariorum quisquam
nummos corruperit, ei manus scelere violata præciditor,
atque nummaria conspicienda fabricæ affigitor. Sin num-
mi adulterati postulatus aliquis criminis suspicionem di-
luere voluerit, candentis ferri quæstione manum sceleris
puram atque immunem ostendito. Quin si ipsa ordalii
sententia reus extiterit, ita vti antea a nobis dictum est
fiat.

Cantuariæ monetarii septem sunt, quorum quidem
quatuor regi, duo præfuli, ac vnus cœnobiarchæ deserui-
to. In ciuitate Roffensi tres sint: regis duo, tertius episco-
pi. Londini sint monetarii octo, Vintoniæ sex, in vico
Levvifio duo, in vico Aastingo vnus, Cicestria vnus sit,
Hamtonæ duo, Vverhamiæ duo, Excestria totidem,
Schafesbyria duo, ad aliud quodque opidum moneta-
rius vnus esto.

V.

Qui se ordalii quæstione examinandum obtulerit, tri-
duo quam id sit aggressurus, sacerdotem, vt is sacra de
more peragat, adito, atque interim pane, sale, aqua, &
oleribus tantummodo vescitor, Missæ præterea illis ipsis
diebus interesto, munusque suum offerito. Sub ipso autem
quo est ordalium ingressurus die, panem eucharisticum
sumito, ac iureiurando se illius de quo appellatur sceleris
pulum minimeque conscium iurato. Tum si aqua gelida
faciunda est quæstio, ad sesquiulnam funis in aquam mer-
gitor. Sin ferro fiat cadenti, per continuum triduum ob-
signanda non resignetur manus. Accusator autem, quem-

Concil. Tom. 25.

D